

## (Ռ Ճ Բ = 1653)

Յունվար ամիս օր Շաբաթ:

Եչի օր (6 Յունուար) տօն Մենդեան Տեառն մերոյ  
Յիսուսի Քրիստոսի:

Թին ամսոյ օր Կիրակի. Հոգևորտէրն ի Սուրբ  
Աստուածածնայ եկեղեցին էր և մեք ընդ նորա: Ի  
ժամ սրբոյ պատարագին շարժ եղև:

Ուրբաթ օրս զԳիէորքն մեր, որ էր հիւանդացեալ  
յոյժ, ըստ Չերմեռանդ խնդրոյ իւրն տարաք ի յոտս  
Հոգևորտիրին, և Հոգևորտէրն մի խաչ տւեալ նորա  
մասով և աւրհնեաց զնա:

Փետրուար ամիս օր Գչի:

Զին օր Կիրակի. մեռոնթափէք արաւ Հոգևոր-  
տէրն, այսինքն բաժանեաց մեռոն Գ եկեղեցւոյս, և  
Գ աւազիրիցունք զգեստաւորեալ և Հոգևորտէրն ժա-  
մարար, և ի ժամանակ ողջունին ետ նոցա, և նո-  
ցա մի մի արծաթեղէն աման ըմբռնեալ առին, որ էին  
աւազիրիցունք՝ Տէր Ոհանն Աստուածածնի, Տէր Աւե-  
տիան Սուրբ Նիկողոսու, Տէր Մարտիրոս Հարազատն  
իմ Սուրբ Սարգսի: Այս եղև ի Սուրբ Նիկողայոսու  
եկեղեցին:

Ամսոյ ժթ-իս<sup>1)</sup> օր Շաբաթ մանզուլ արարին ըզ-  
Սուլէյման աղայ էնկիչէրոցն, որ ելեալ էր սա ըսկիզբն  
ի պալատէ թագաւորին: Սա զՀայոց զգեստն պատճա-  
ռելով գանէր, և ելեալ ի ներսէն կրկին, անուն Մուս-  
տաֆա, այս յոյժ առաջեցոյց զչարութիւնն. ջանայր  
զգանեալն ի հաւատոյ դարձուցանել, որ յետ մանզուլ  
լինելոյն փեսայացաւ Մուրատ փաշային. այս այն է:

1) Ի-իս.